



Kommunalbestyrelsi 31. Maj 2018 nal. 10.00

Kommune Qeqertalik
Kommunalbestyrelsi

Hansen, Ane	IA
Olsen, Peter	IA, skype-kkut peqataavoq
Sørensen, Hector Lennert	IA
Samuelsen, Aqqa	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Svane, Jess	S, skype-kut peqataavoq
Sandgreen, Enok	S
Mølgaard, Timooq	S
Jeremiassen, Otto	S
Jeremiassen, Nikkulaat	S, sinnerlugu, Jens Vetterlain
Broberg, Kristian	S
Kristensen, Naja	A, Skype-kkut peqataavoq

Ataatsimiinnermi aqutsisoq:	Ane Hansen, IA
Allatsi:	Alida C. Rafaelsen
Ataatsimiinneq:	Najuulluni. Kangaatsiaq, Katersortarfik

Ullormut oqaluuserisassat

18-022 Imigassallernissamik qinnuteqaat Type B.....	3
18-023 Kommune Qeqertalik-mi taxat akiinik qaffaanissamut qinnuteqaat.....	4
18-024 Missingersuutiniq malinnaaneq / kukkunersuineq.....	5
18-025 2019-imi aningaasaqarnermut inatsimmik qinnuteqaatissat.....	7
18-026 Init Kommune Qeqertalik-mi INI A/S-ip ingerlataasa nalunaarsorneqarnissaat pilersaarusiorneqarnissaallu.....	8
18-027 Kommunimut pilersaarummut tapiliussaq nr. 53 immikkoortortap ilaa E08, Kangaatsiaq – akuersissutigineqarnera.....	9
Illassut:	
18-028 Qeqertarsuup nunataani Umimmaliisinnaanermut periarfissat misissorneqarnissaannik siunnersuut.....	11
ILISIMATITSISSUTIT	13
ATAATSIMIINNEQ NAAVOQ	14
ATSIORFISSAQ	14

Eqqartugaq	Ullormut oqaluuserisassat akuersissutigineqarnerat
-------------------	-----------------------------------------------------------

Ullormut oqaluuserisassanut allattoqarfiup oqaaseqaatai:

Soqanngilaq

Aalajangerneq:

Jess Svanep oqaluuserisassatut siunnersuutigisimasaa, ataatsimiititaliaq INOQARFIK-mi aalajangerneq tunngavingalugu Qeqertarsuup nunataani umimmaliisinnaanermut misissuisoqarnissaanut siunnersuut ilassutitut akuerineqarluni ilanngunneqarpoq. Peter Olsen-ip oqaluuserisassatut siunnersuutai ataatsimiititaliaq INUA ataatsimiimmat ulloq 24. Maj 2018 oqaluuserisat normullit 18-033 aamma 18-034, kommunalbestyrelsimi oqaluuserisassanut ilanngunneqarnissaanut itingartinneqarput, inuussutissarsiornermut missingersuusiornermullu isumasioqatigiinnissamut juunimi pisussami ingerlateqqinneqartussanngoreermata. Oqaluuserisassanullu ilanngunneqarnissaanut siunnersuutigineqartut ilisimatitsissutitut inissisimaannarnissai aalajangiunneqarput.

Suliap nr.	18-022	Ilanng. nr.		Journal nr.	70.06.00
Oqaluuserisag	Imigassallernissamik qinnuteqaat Type B				

EQIKKAANEQ:

Kuannit Art, Upernaviup aqputaa B-367, 3953 Qeqertarsuaq v/Kirsten Schmidt-Pedersen Type B-mik, imigassanik aalakoornartortalinnik sassaalliinissamut akuersissummik qinnuteqarpoq, 16%-ip tungaanut akulinnik tuniniaanissamut.

Inatsit nutaaq 1. marts 2018-imeersoq naapertorlugu piumasaqaatit annertusipput, taamaattumik suliassap tigueneraniit suliassap naammassinissaanut piffissaq annertoq atorneqartalerpoq, tusarniaanerit assigiinngitsut peqqaartussaeneri pissutigalugu.

SULIAP SULIARINEQARNERA:

Piginnittoq imigassallernissamut politikimik tunniussivoq aamma akisussaassuseqarluni saassaallernissaq siunertaralugu Certifikat naammassillugu misilitsissimalluni.

Inatsit nutaaq naapertorlugu Kalaallit Nunaanni politeeqarfik, inunnik isumaginnittoqarfik aamma pitsaaliuinerimik isumaginnittuusoq imigassallersinnaanermut qinnuteqaammut tusarniarneqarnerminnit oqaaseqaammik tunniussipput.

INATSISITIGUT TUNNGAVIUSOQ:

Inatsisartut inatsisaat nr. 35, 23. november 2017-imeersoq §3, imm. 2 aamma §5.

ANINGAASATIGUT KINGUNISSAI:

Soqanngilaq.

INASSUTEQAAT:

Imigassallersinnaanermut qinnuteqaammut tusarniaavigineqartunit tamanit qinnuteqaat taperserneqarlunilu immikkut oqaaseqaatissartaqanngimmat kiisalu piumasaqaatinik naammassinnimmat Sullissivik Qeqertarsuaq-mit qinnuteqaatip kommunalbestyrelsimit akuersissutigineqarnissaa inassutigineqarpoq.

ILANNGUSSAT:

Ilanngussaq 22-01: Piginnittumit qinnuteqaat

Ilanngussaq 22-02: Piginnittup sulisuusussap Certifikat imigassallersinnaanermut akuersissutaa

Ilanngussaq 22-03: Piginnittup imigassamik sassaallernissamut politikiliaa

Ilanngussaq 22-04: Kalaallit Nunaata politiivinit oqaaseqaat

Ilanngussaq 22-05: Isumaginnittoqarfimmit pinaveersaartitsinermillu akisussaasusut oqaaseqaataat

AALAJANGERNEQ:

Kristian Broberg oqaluuserisassamut attuumassuteqarpallaarnini pissutingalugu aalajangeeqa-taasinnaanani aningallarpoq.

Inassuteqaat akuerineqarpoq.

Suliap nr.	18-023	Ilanng. nr.		Journal nr.	
Oqaluuserisag	Kommune Qeqertalik-mi taxat akiinik qaffaanissamut qinnuteqaat.				

EQIKKAANEQ:

Aasianni taxa-tillit sinnerlugit, Avgo Otto Sørensen taxa-nik ilaasoqarnermi akinik qaffaasoqarnissaanik Kommunalbestyrelse-mut qinnuteqarpoq.

SULIAP SULIARINEQARNERA:

Qinnuteqarneq aallaavigalugu Kommune Qeqertalik-mi taxa-tillit tusarniaavigineqarput, maanna tusarniaavigineqartut amerlanerussuteqartut siunnersuutaat malillugit Taxa-nik ilaasoqarnermi akigitinneqartut ullumikkumut naleqqukkunnaarsimasut oqariartuutigineqarpoq, tassa ukiut arfineq marluk (12-t) qaangiupput taxanut ilaasoqarnermi akigitinneqartut nalimmassarneqarmata.

Ilanngutami 23-03-mi takuneqarsinnaapput akinik aammalu nalunaaquttap qanoq ilinerani qinnuteqaat aallaavigalugu tusarniaanermi amerlanerussuteqartunik ullumikkut akigitinneqartunut sanilliussinerit takussutissartaa.

ukiut 12-it ingerlanerani taxanik ingerlatsinermi taxasaateqartunut orsussaqaarnikkut, sillimasiinikkut aqqusinernullu akileraarutit, allallu aningaasartuutit qaffatsinneqartarsimapput, tamakkuuppullu taxanut ilaasoqarnermi akinik qaffaasoqarnissaanik qinnuteqarnermi toqqammavigineqartut.

ANINGAASATIGUT KINGUNISSAI:

Soqanngilaq.

INATSISITIGUT TUNNGAVIUSOQ:

Soqanngilaq.

SULIAMIK SULIARINNINNEQ:

Kommunalbestyrelse

INASSUTEQAAT:

Ataatsimiititaliaq INUA-ta kommunalbestyrelsimut inassuteqaatingaa,

- Akinik qaffaanissamut qinnuteqaat akuerineqassasoq
- Taxaatillit sullissinerup pittaanerunissaanik piumasaqarfigineqarnissaat piumasarineqassasoq
- Kommunalbestyrelsi maleruagassanik sanassasoq

ILANNGUSSAT:

Ilanngussaq 23-01: Qinnuteqaat tapiliussarlu.

Ilanngussaq 23-02: Tusarniaanermi akissuteqaatit.

Ilanngussaq 23-03: Taxat akiinik qinnuteqaat malillugu ullumikkut akinut sanilliussineq.

AALAJANGERNEQ:

Hector Lennert Sørensen siunnersuuteqartumut qaningisaanini pissutingalugu aalajangeeqa-taasinnaanani aningallarpoq.

Inassuteqaat akuerineqarpoq, Kommune Qeqertalimmi tamani atuuttussanngorlugu.

Suliap nr.	18-024	Ilanng. nr.		Journal nr.	
Oqaluuserisag	Missingersuutiniq malinnaaneq / kukkunersiuineq				

EQIKKAANEQ:

2018-mut missingersuutit kukkunersiorneqareerput. Ikittunnguit naqqissornerqarput aamma aningaasaliissutit katinnerini missingersuutigineqartuut ilimagisaq malillugu ima inernejarput: 16.872.

Ukiup affaa siulleg qaangiussimaleriarpat missingersuutit kukkunersioqqittariaqassapput.

SULIAP SULIARINEQARNERA:

Ikaarsaariarnermut ataatsimiititaliap missingersuutiniq ulloq 28.november 2018-imi akuersinerani 2018-imi qaammatit pingasut siullit qaangiuteriarpata missingersuutit kukkunersiorneqassasut aalajangertoqarpoq.

Ilanngussami suliniutissat assigiinngitsut inassuteqaataat missingersuutiniq ilanngunneqartut saniatigut suliasat aallartinneqarnissaannut tunuarsimaarnissap pingaarutaasa paasissutissartaat atuarneqarsinnaapput.

Qaasuitsup Kommuniata naatsorsuutaannik naammassinninniarneq arlalitsigut unammillernartortaqqortoq soorlu aamma atuarneqarsinnaavoq. Naatsorsuutit taakkua missingersuutit peqqissaartumik kukkunersiorneqarnerini atussallugit pingaaruteqartorjuupput aamma taamaammat ukiup affaa siulleg qaangiussimaleriarpat missingersuutit kukkunersioqqinnissaannut peqqutaaqataavoq.

ANINGAASATIGUT KINGUNISSAI:

Missingersuutit kukkunersiorneqarnerini suliniutissatut siunnersuutit ima kinguneqassapput: ukiumut 2018-imit naatsorsuutit missingersuusioreneqartut 1.175.000 koruuninit amerlanerusumik inernejassapput, taamaalillutik 16.872.000 koruuninngussallutik

INATSISITIGUT TUNNGAVIUSOQ:

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersumi, §23-imi ima allassimasoqarpoq: Ukiumoortumik missingersuutini naatsorsuutit kommunalbestyrelsi ukiumoortumik naatsorsuutiniq akuersissuteqarnermini aningaasaliissuteqarfissanut tunngatillugit isummerfigisai § 21, imm. 3 naapertorlugu kommunip ingerlatsineranut pisussaaffiliipput.

Imm. 2. Aningaasaliissuteqarnissamut oqartussaaffik kommunalbestyrelsimiippoq. Suliniutit inatsisitigut, peqqussutitigut imaluunniit allatigut inatsisitigut aalajangersakkatigut peqqussutigineqartut pisariaqartitsinerimi kommunalbestyrelse aningaasaliissuteqaqqaanngikkaluartoq aallartinneqarsinnaapput, aningaasaliissutilli piaarnerpaamik pissarsiarineqarsinnaasariaqarput. Kommunalbestyrelsi aammattaq aningaasaqarnermut ataatsimiititaliaq pisinnaatissinnaavaa ingerlatsinerimi aningaasartuutissanik missingersuutiniittunik nikisiterisinnaanermut kiisalu sanaartugassanut aningaasaliissutiniq sanaartugassanut allanut nuussisinnaanermik.

Imm. 3. Ilassutit aningaasaliissutaasut tamarmik aningaasartuutissatut akuersissutigineqartut qanoq matusserneqarnissaannik paasissutissanik imaqassapput, ukiunut missingersuusioreneqartut kingunerisinnaasai ilanngullugit. § 21, imm. 3-mi ilassutit aningaasaliissutiniq atuisinnaanermut assinguvoq.

INASSUTEQAAT:

Ataatsimiititaliaq INUA-ta kommunalbestyrelsimut inassuteqaatingaa,

- Missingersuutit kukkunersiorneqarnerini immikkut ittumik aningaasaliissutit qinnuteqaatit allassimasut akuerineqassasut.
- Missingersuutit inaarutaasumik akuerineqartussanngorlugit aamma ilisimatitsissutiginiarlugit kommunalbestyrelsimut ingerlateqqinneqassasut.

ILANNGUSSAT:

- Ilanngussaq 24-01: "Missingersuutit kukkunersiorneqarneri 1", kalaallisut
- Ilanngussaq 24-02: "Missingersuutit kukkunersiorneqarneri 1", qallunaatut

AALAJANGERNEQ:

Inassuteqaat akuerineqarpoq.

Suliap nr.	18-025	Ilanng. nr.	25-01	Journal nr.	
Oqaluserissaq	2019-imi aningaasaqarnermut inatsimmik qinnuteqaatissat				

EQIKKAANEQ:

Allattoqarfiup ukioq 2019-mut Aningaasaqarnermut inatsisissamut qinnuteqaatissat katersorlugit piareersimavai, taakkulu saqqummiunneqarput.

SULIAP SULIARINEQARNERA:

Aningaasaqarnermut inatsisissamut 2019-imut sanaartorneq pillugu qinnuteqaatissat allattoqarfiup tamaasa katersorlugit piareersimavai. Kommunit avinnerisa kingunerisaanik kinguaattuulaarluni nassiussisinnaaneq Namminersorlutik Oqartussaqaarfimmumt apeqqutigineqarsimavoq. Paasineqarluni kinguaattuulaarneq akuerineqarsimalluni.

Qinnuteqaataasussat susassaqaarfikkaartumik pingaarnersiorneqarsimapput, uanilu Kommune Qeqertalimmi Kommunalbestyrelsep suleqatigiinnissamut isumaqatigiissutaa naapertorlugu tulleriissaarneqarsimallutik.

KINGUNISSAI:

Sanaartugassat qinnutigineqartut akuerineqassappata Kommune Qeqertalimmi sanaartugassat Namminersorlutik Oqartussat akileeataaffissai kommunip innuttaasunut sullissineranut pitsanngorsaataassapput.

ANINGAASATIGUT KINGUNISSAI:

Qinnuteqaatit akuerineqartut naapertorlugit aningaasanik 2019-imi kommunimiit atungassanik eqquisussaavoq. Uani apeqqutaassooq, qinnutigineqartut sorliit akuerineqarnersut.

INATSISITIGUT TUNNGAVIUSOQ:

- Aningaasaqarnermut inatsisissaq 2019

INASSUTEQAAT:

Ataatsimiititaliaq INOQARFIK-up, kiisalu INUA-ata kommunalbestyrelsimut inassuteqaatingaa:

- Qinnuteqaataasut pingaarnersiuneq naapertorlugu nassiunneqarnissai akuerissagai.
- Aqqalualit aqqusernarnut tunngasoq Qeqertarsuaq Kommuneungallarmat suliaq ingerlasimasoq misissorneqassasoq.

ILANNGUSSAT:

- Ilanngussaq 25-01: Aningaasaqarnermut Inatsisissamut 2019-imut qinnuteqaatigineqartut.

AALAJANGERNEQ:

Inassuteqaat akuerineqarpoq.

Suliap nr.	18-026	Ilanng. nr.		Journal nr.	
Oqaluuserisag	Init Kommune Qeqertalik-mi INI A/S-ip ingerlataasa nalunaarsorneqarnissaat pilersaarusionerqarnissaallu				

EQIKKAANEQ:

Kommune Qeqertalik-up inissiaatai attartorneqarsinnaasut aserfallatsaalinissaanut pilersaarummik sanasoqarnissaa allattoqarfiup siunnersuutigaa.

SULIAP SULIARINEQARNERA:

Kommune Qeqertalimmi INI A/S-ip init attartugassat aqutai amerlasuut aserfallannikuupput. Aserfallatsaalinissannullu pilersaarummik sanasoqartariaqarluni. INI A/S-ip Qaasuitsup Kommunianut saqqummiunniuuai 2024-ami aserfallatsaaliinngikkaanni aningaasat amigaatigineqartussat amerlassusaat. Saqqummiunniukuusaanni takuneqarsinnaapput Kommune Qeqertalimmut inissiat tunngassutillit 2024-ami aserfallatsaalisassat 106.180.482,06 kr. naleqalersimassasut.

Saqqummiunneqarnikut naapertorlugit INI A/S suliakkerneqarsinnaavoq init attartorneqarsinnaasut aserfallatsaaliinissaanut iluarsartuunnissaannullu pilersaarusionerqarnissaallu. Tamannalu INI A/S-imiit tigulluarneqarnikuuvoq, tassungalu tunngassutillimik neqeroorusiornikuullutik. Neqeroorusiaanniipput init Kommune Qeqertalimmi attartorneqarsinnaasut tamarmik nalunaarsornissaat aserfallatsaalinissaannullu pilersaarusionerqarnissaat.

KINGUNISSAI:

Kommune Qeqertaliup init attartorneqarsinnaasut pingisai aserfallatsaalinissaanut pilersaarusionerqarnissaat, aserfallatsaaliinissamut kinguaattoorutit amerliartuinnassapput. Kingunerisinnaasaasa ilagaat inini taakkunani ineqartut atungassarititaat ajorsartorsinnaanissaat, tassa peqqissusaannut aamma kingunerlussinnaalluni. Kinguneri inuup peqqissusaanut tunngalerpata inuiaqatigiinnut annertunerusumik aningaasatigut kingunerlussinnaavoq.

Pilersaarusionerqarnissaat ersarinnerusumik Kommune Qeqertalik aningaasatigut tunngavissaqarluarluni immikkoortitsisinnaangussooq.

ANINGAASATIGUT KINGUNISSAI:

INI A/S-ip nalunaarsuinissaminut pilersaarusionerqarnissaaminullu neqeroorutaa 994.240 kr.-imik naleqarpoq. Taakkulu sanaartornissamut immikkoortinneqarsimasunik, agguataarneqarnikuunngitsuniit, aneqarsinnaallutik.

INATSISITIGUT TUNNGAVIUSOQ:

Soqanngilaq.

INASSUTEQAAT:

Ataatsimiititaliaq INOQARFIK-up, ataatsimiititaliaq INUA-talu Kommunalbestyrelsimut inassuteqaatingaa:

- INI A/S-ip neqeroorutaa akuerineqassasoq.

ILANNGUSSAT:

Ilanngussaq 26-01: INI A/S-ip neqeroorutaa.

Ilanngussaq 26-02: Kommune Qeqertalik-up illoqarfiini init attartorneqarsinnaasut

Ilanngussaq 26-03: INI A/S-ip Qaasuitsup Kommuniata maj 2014-imi missingersuutit pillugit isumasioqatigiinnerani saqqummiussaa.

AALAJANGERNEQ:

Inassuteqaat akuerineqarpoq.

Suliap nr.	18-027	Ilanng. nr.		Journal nr.	
Oqaluuserissaq	Kommunimut pilersaarummut tapiliussaq nr. 53 immikkoortortap ilaa E08, Kangaatsiaq - akuersissutigineqarnera				

EQIKKAANEQ:

Kommunimut pilersaarummut tapiliussaq nr. 53 pisortatigoortumik tusarnutigineqarpoq piffissami ulloq 29.12.2017-26.02.2018 sapaatip akunnerini arfineq pingasuni. Tapiliussaq taanna anartarfilerinermut illuliornissamut taavalu eqqaavissuup nakkutigineqarnissaa pillugu aqutissiuussisussaavoq.

SULIAP SULERINEQARNERA:

Kommunimut pilersaarummut tapiliussaq Kangaatsiami illumik anartarfilerinermut atortussamik pilersitsinissamut aqutissiuussisussaavoq. Maannamut anartarfilerinermut periarfissaq ullutsinnut naapertuutینگilaq, tassa illoqarfiup iluani inissisimagami innuttaasunullu tipiliortitsilluni.

Taamatutaaq eqqaaveqarnek aqutaanerusumik ingerlanneqassappat siunissami tamaanga immikkoortortamut nuunneqarumaarnissaa pisariaqassalluni. Eqqaaveqarnek siunissaq ungasinnerusoq eqqarsaatigalugu eqqakkat illoqarfimmi ikuallanneqaratik avammut aallarunneqartarnissaat pilersaarutaavoq. Uani eqqakkanik suliarinniffissap sananeqarnissaa kommunip pilersaarutaanut tapitaliussamut ilanngunneqarpoq, taamaalilluni sanaartorsinnaaneq tassunga tunngasumik periarfissiuunneqarluni.

Tusarniaanerup nalaani Kommuninut, Nunaqarfinnut, isorliunerusunut, attaveqaatinut kiisalu Ineqarnermut Naalackersuissoqarfimmit kiisalu Nukissiorfimmiit oqaaseqaatinik takkuttoqarpoq. Nunatta Katersugaasivia Allagaateqarfialu uparuaatissaqaratik nalunaaruteqarput. Tusarniaanermi akissuteqaatit ilanngussaq 1-02-mi takuneqarsinnaapput. Ataatingaani naatsumik uteqqillugit misissuataarneqarput:

1) Nukissiorfinniit eqqumaffigeqquneqarpoq sanaartorneq ingerlanneqalerpat Nukissiorfik attavigineqassasoq qanoq kiassarnermut sanaartugaq pilersornissaa pillugu, tassa taakku innersuussisussaagamik qanoq kiassarnermut attavilerneqassanersoq.

2) Nukissiorfiup §19 imm. 1 uparuarpa "innaallagialu atorlugu aalajangersimasumik kiassarnermut atortuutaannut" taamannak allaqqanera allanngorteqquaa imatut: "qaminneqarsinnaasumik sarfamik kiassarnermut"

3) Nukissiorfiup §19 imm. 5 uparuarpa "Kalaallit Nunaanni nukissiuutinik pilersuisut, Nukissiorfiit, isumasioqatigalugu sakkortusaavinnik inissiisoqassaaq aamma immikkoortortap tamarmi takussunarsinnginnissaa ikkussuineri taamaalilluni eqqarsaatigineqassaaq." Taamannak allaqqanera allanngorteqquaa imatut: "Nukissiorfiit, isumasioqatigalugu teknikkikkut atortunik inissiisoqassaaq aamma immikkoortortap tamarmi takussunarsinnginnissaa taamaalilluni eqqarsaatigineqassaaq."

4) Kommuninut, Nunaqarfinnut, Isorliunerusunut, Attaveqaatigiinnermut, Ineqarnermullu Naalackersuisoqarfik annertunerusunut uparuagassaqqanngilaq, kisianni anartarfeqarfimmik eqqaaveqarfimmillu inissiineri mittarfeqqamut imeqarfimmullu eqqakkanik tingittoqartannginnissaa eqqumaffigineqarsimassasoq. Taavalu §19 imm. 3 pisariaqarsorینگilaq sanaartugassat anartarfeqarfimmut atassutitertussaassammata.

KINGUNISSAI:

Kommunimut pilersaarummut tapiliussaq nr. 53-ip akuersissutigineqarneratigut Kangaatsiami anartarfeqarnermut eqqaavissuuarnermullu pitsanngorsaataasooq. Kangaatsiami anartarfeqarnek innuttaasunut ajornartorsiutaasumik ingerlavoq, ajornartorsiutit ilagaat illoqarfiup qeqqaniinnerami tipilorneq annertusarluni. Anartarfeqarfimmik pilersitsinikkut ajornartorsiut annikinnerpaanngortinneqassooq. Anartarfilerinerlu pitsanngorsarneqarluni.

Tusarniaanermi akissuteqaataasut pillugit ataatsimiititaliap INOQARFIK-up suliarinninnissaanut siunnersuutit ataani takuneqarsinnaapput:

- 1-mut) Tusaatissatut tiguneqarpoq. Nukissiorfillu suleqatigalugu oqaloqatiginninneq ingerlalereernikuuvoq.
- 2-mut) Tusaatissatut tiguneqarpoq. Tusarniaanermi innersuussutigineqartoq tapiliussamut ikkunneqarpoq, tak. Ilanngussaq 1.
- 3-mut) Tusaatissatut tiguneqarpoq. Tusarniaanermi innersuussutigineqartoq tapiliussamut ikkunneqarpoq, tak. Ilanngussaq 1.
- 4-mut) Sanaartugassap suliarineqarani eqqakkanik tingittoqarsinnaanera eqqarsaatigineqassaaq, tamannalu pinaveersaartinniarlugu suliniuteqartoqassalluni. §19 imm. 3 allanngortinneqanngilaq, arlaatigut eqqaani sanaartortoqassappat periarfissaq piutikkumallugu.

Ilanngussaq 1-mi takuneqarsinnaavoq Kommunimut pilersaarummut tapiliussap inaarutaasumik akuerineqarnissaanut siunnersuut ilanngussami kajortumik nalunaaqutserlugit allannguutit ersarissarneqarsimasut ilanngullugit.

ANINGAASATIGUT KINGUNISSAI:

Kommune Qeqertalik Namminersorlutillu Oqartussat akileeqaatigiillutik sanaartugassaq ingerlattussaavaat. Kommunalbestyrelse aningaasanik ukioq manna immikkoortitsereernikuuvoq, Namminersorlutillu Oqartussat akileeqaatanissaminut nalunaaruteqareerlutik.

INATSISITIGUT TUNNGAVIUSOQ:

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq
- Pilersaarusiorneq aamma nunaminertat atorineqartarnerat pillugit Inatsisartut inatsisaata allanngortinneqarneranik Inatsisartut inatsisaat nr. 34, 9. december 2015 (Nuna tamakkerlugu pilersaarusiornermut nalunaarussiaq, nunaminertanik inniminniisarneq, atuisinnaanermut killigititamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pilersaarusiornermut- nunaminertamillu atuisinnaanermut atatillugu naammagittaalliortarfiup allallu atorunnaarsinneqarnissaa)
- Qaasuitsup Kommuniata pilersaarutaa (kommuneplan) 2014-2026

INASSUTEQAAT:

Ataatsimiititaliaq INOQARFIK, ataatsimiititaliaq INUA-talu Kommunalbestyrelsimut inassuteqaatigaa,

- Kommunimut pilersaarummut tapiliussami nr. 53-mi tusarniaanermi akissuteqaatini allannguutit ilanngussaq 27-01-mi siunnersuummi takuneqarsinnaasut ilanngullugit kiisalu immikkoortumi 'kinguneqaatissani' akissuteqaatinik suliarinninneq ilanngullugu kommunalbestyrelsimi akuerineqassasoq.

ILANNGUSSAT:

Ilanngussaq 27-01: Kommunimut pilersaarummut tapiliussaq nr. 53-ip inaarutaasumik akuersissutigineqarnissaanut siunnersuut

Ilanngussaq 27-02: Tusarniaanermi akissuteqaatit tamarmiusut ataatsimut

AALAJANGERNEQ:

Inassuteqaat akuerineqarpoq.

Saliap nr.	18-028	Ilanng. nr.	2	Journal nr.	72.01
Oqaluuserisag	Qeqertarsuup nunataani Umimmaliisinnaanermut periarfissat misissorneqarnissaannik siunnersuut				

EQIKKAANEQ:

Jess Svane, Siumut, Qeqertarsuup nunataani umimmaliisinnaanermut periarfissat misissorneqarsinnaanissaannik siunnersuuteqarpoq. Misissungassatut siunnersuutigineqarpoq umimmaliissagaanni kikkut suleqatigineqassanersut kiisalu umimmaliinermi suut pingortitamut sunniuteqaataasinnaanersut.

SULIAP SULIARINEQARNERA:

Pingortitamik illersuineq pillugu Inatsisartut inatsisaat nr. 29, 18. december 2003-meersoq Kapitali 1, § 1. Inatsisartut inatsisaatigut Kalaallit Nunaanni pingortitaq illersueqataaffigineqassaaq. Illersuineq pissaq uumassusileqarfiit piujuaannarnissaat tunngavigalugu, mianersornissamik tunngavissat naapertorlugit aamma inuit inuunerminni atugarisaat aammalu uumasut naasullu piujuaannarnissaat ataqqillugit.

Tassungalu attuumassuteqarpoq Qeqertarsuarmi naasut nungutaanissamut ulorianartorsiortinneqartut sissuorneqarnissaat. "Nunatsinni naasut uumasullu mianerisariiallit", 2007, Boertmann (Ilanngussaq 1-02 takujuk) allaaserineqarsimasumi Qeqertarsuarmi naasut suut navianartorsiortinneqarnersut allaaserineqarpoq.

Inatsisartut inatsisaat nr. 29, 18. December 2003-meersoq §9-mi ilalerneqarpoq naasut nunami nammineq naasimasut suut eqqissisimatinnegalersinnaanersut.

Qeqertarsuarmi umimmaliinissamut siunnersuummut tunngatillugu pingortitamik illersuineq pillugu Inatsisartut inatsisaat nr. 29, 18. december 2003-meersoq Kapitali 9 § 33 Imm. 5. Naapertorlugu uumasut nujuartat naasullu Kalaallit Nunaanni sumiiffimmiit sumiiffimmut allamut taamaallaat nuunneqarsinnaapput siammarneqarsinnaallutillu Naalakkersuisut akuersinerisigut.

Taamaakkaluortoq Namminersorlutik Oqartussat nalunaarutaat nr. 8 umimmaat illersugaaner at piniagaanerallu pillugit 27. juni 2013-imeersoq §4 imm. 4. naapertorlugu kommunimi pisortaqarfik misissuisinnaatitaavoq aaliangernissarli Naalakkersuisoqarfimmiit ingerlanneqassalluni.

Pingortitamik illersuineq pillugu Inatsisartut inatsisaat nr. 29, 18. december 2003-meersoq kapitali 14 § 43. Malillugu Pingortitamut kingunerisassat nalilersorneqarnissaat pillugu Naalakkersuisut malittarisassiussapput.

Taakkartorneqarpoq Qeqertarsuarmi Arktisk Station suleqatiserineqassasoq, misissuitsisoqassappallu tamanna pittaassoq.

1993-imi Qeqertarsuup kommunalbestyrelseata Qeqertarsuarmi umimmaliisoqarnissaanut misissuiner at aningaasaliivoq. Misissuineq taanna inernilerneqarpoq Qeqertarsuaq umimmaqarnissaminut tulluutinngittoq. Tassani tunngavilersuutigineqarpoq umimmaat nerisartagaasa ilaat ivigaq latinerisut Kobresiamik taaguuteqartoq Qeqertarsuami nassaassaangimmat, tamannalu ilanngussaq 1-02-mi takuneqarsinnaavoq.

INATSISITIGUT TUNNGAVIUSOQ:

- Inatsisartut inatsisaat nr. 29, 18. December 2003
- Namminersorlutik Oqartussat nalunaarutaat nr. 8 umimmaat illersugaaner at piniagaanerallu pillugit 27. juni 2013

KINGUNISSAI:

Qeqertarsuarmi umimmaliisoqarnissaanut akuersisoqassappat kingunerisinnaasai arlaqarsinnaapput. Taakkua ilagivaat Kommune Qeqertalimmi umimmanniarfiusinnaasut amerlineri. Aamma Arktisk Station-imi ilisimatusarneq eqqarsaatigalugu Umimmaat qaninnerullugit Kommune Qeqertalimmi ilisimatusartoqarsinnaanera ammaanneqassooq.

ukiunut arlalinnut siumut isigigaanni Umimmaliinerup ajoqutigisinnaavaa Qeqertarsuarmi pingortitap allanngoriartulersinnaanera, uani naasut eqqarsaatigalugit.

Ilanngussaq 1-02-mi eqqaaneqartut ilaat malillugit Qeqertarsuarmi naasorpasuaqarpoq anniktuinnarmik nassaassaasunik, taamaattumik eriagineqartariaqarlutik.

ANINGAASATIGUT KINGUNISSAI:

Aningaasartuutaasinnaasut qanoq annertutigisinnaaneriniq missingersuutit suliaq ingerlaqqissappat allattoqarfimmi misissorneqarsinnaalissapput. Uani inatsisit malillugit ersarimmat naalackersuisoqarfik akuussasoq, taamaalillunilu piumasaqaatit iluanni aningaasartuutaasussat missingersorneqassallutik.

SULIAMIK SULIARINNINNEQ:

Ataatsimiititaliaq INOQARFIK

ATAATSIMIITITALIAP INOQARFIK-UP AALAJANGERNEA:

Ataatsimiititaliami amerlanerussuteqartut inassuteqaat akuerivaat. Ikinnerussuteqartut pisinnaatitaaffitsik atorlugu suliaq Kommunalbestyrelsimut ingerlateqqippaat, tassanilu aalajagiiffiqineqartussanngorlugu

INASSUTEQAAT:

Allattoqarfiup Ataatsimiititaliaq INOQARFIK kiisalu Kommunalbestyrelsi siunnersorpa:

Pinngortitaleriffiup Qeqertarsuarmi umimmaliinnginnissamik inassuteqaatigisimasaa kiisalu ilisimatuut 2007-mi misissuinerimi paasisaat naapertorlugit siunnersuutigineqartoq itingartinneqassasoq.

ILANNGUSSAT:

- Ilanngussaq 2-01: Qeqertarsuup nunataani Umimmaliisinnaanermut periarfissat misissorneqarnissaannik siunnersuut
- Ilanngussaq 2-02: Nuussuarmut umimmaliinerup kingunerisaanik Nuussuarmi avatangiisinut uumasooqassutsimullu sunniutaasinnaasunut tunngasoq (2011)
- Ilanngussaq 2-03: Nunatsinni Naasut Uumasullu mianerisariallit (2007)

AALAJANGERNEQ:

Taasinikkut aalajangiinissaq aalajangiunneqarpoq:
Umimmaliinissamut missuinissamut akuerseqataapput: 8
Umimmaliinissamut missuinissamut itingartitsisut: 7
Taamaalilluni Qeqertarsuup nunataani umimmaliinissaq misissorneqassaaq.

Ilisimatitsissutit

Suliap nr.	Ilisimatitsissut
Eqqartugaq	Ataatsimiititaliaq INUA ataatsimiinneranit ilisimatitissutit

Ataatsimiititaliaq INUA ataatsimiikkami ulloq 24. Maj 2018 oqaluuserisassatut siunnersuutigineqartut ilaat, missingersuutissanut kiisalu inuussutissarsiornermut isumasioqatigiinnissamut eqqartugassanngorlugit inassutigineqarput, ukuusut:

- Peter Olsen-ip Aasianni busseqalernissaa siunertaralugu aningaasaliisoqarnissaanik siunnersuutaa
- Peter Olsen-ip takornariaqartitsinermik ineriartortitsiviusinnaasumik pilersitsisoqarnissaa siunertaralugu aningaasaliisoqarnissaanik siunnersutaa
- Jess Svanep Qasigiannguani aqqusernit iluarsartuunneqarnissaannut aningaasanik qinnuteqaataa

Suliap nr.	Ilisimatitsissut
Eqqartugaq	

Suliap nr.	Ilisimatitsissut
Eqqartugaq	

Suliap nr.	Ilisimatitsissut
Eqqartugaq	

ATAATSIMIINNEQ NAAVOQ: 13:16**ATSIORFISSAQ:**

Hansen, Ane _____

Olsen, Peter _____

Sørensen, Hector Lennert _____

Samuelsen, Aqqa _____

Aronsen, Hans _____

Petersen, Thomas _____

Kristensen, Niels _____

Vetterlain, Jens _____

Sandgreen, Enok _____

Mølgaard, Timooq _____

Jeremiassen, Otto _____

Jeremiassen, Kristian _____

Svane, Jess _____

Broberg, Kristian _____

Kristensen, Naja _____